

Bibel fa Kjinja brinjt junt



De Prins woat een Hoad



Jeschräwen von: Edward Hughes
Jemolt von: M. Maillot; Lazarus

Äwasat von: Ed Zacharias
Toom Pauss jestalt von: E. Frischbutter; Sarah S.

De 10. Jeschicht von 60

www.M1914.org

Bible for Children, PO Box 3, Winnipeg, MB R3C 2G1 Canada

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German



Een Dach sach Moses woo een
Ägipta eenen Hebräa schluach.
Wan Moses uk aus een
Prins em Kjennich sien
Paulaust jewont un
jeliheet haud, wia hee
een Hebräa.
Dän wull
hee halpen.

1



Hee kijkt sikj om, toom seenen auf daut wää sach,
un dan schluach hee dän Ägipta soo daut dee storf.
Un dan veschoawd hee däm schwind.


2

Dän näakjsten Dach sach Moses daut twee Hebräa sikj schluagen, un wull an opphoolen. "Woascht du mie uk doot-schlone, soo aus dän Ägipta?" fruach eena. Dit enjst Moses. Wisten dee daut aula? Wist de Kjennich? Hee must nu wajch. Hee jinkj auf no Midian.



3

Moses vepust sikj bie een Borm, aus de säwen Dajchta von däm Priesta von Midian kjeemen Wota schapen fa äaren Voda siene Häad.



4

Aundre Hoads wullen dee tosied schuwen, oba Moses holp de Sestren.



5

"Jie sent vondoag tiedich tus," säd de Sestren äa Voda, Reguel. Aus see säden wuarom see tiedja wieren säd Reguel, "Brinjt däm Maun häa."



6

Reguel heet uk Jitro. Lota befried Moses sikj met de elste Sesta.



7

En Ägipten storf de Kjennich. Gott sien Volkj, de Hebräa, musten aus Sklowen deenen.



8

Daut jinkj sea schljacht!
See prachaden Gott daut
hee halpen sull, un Gott
horcht doano.



9

Moses wist daut nich, oba Gott wull
Moses brucken toom de Hebräa
halpen. Hee wia aul 40 Joa von
Ägipten wajch jewast. Hee
deed Reguel siene Schop
heeden, oba hee haud
sien Volkj en Ägipten
nich vejäten.



10

Een Dach sach Moses eenen
Bosch brennen, oba de
vebrend nich. Dan jinkj
hee dichtbie kjikjen.



11

Aus Moses dichtbie kjeem roopt Gott to am von em
Bosch, "Moses." "Ekj sie hia," säd Moses. "Komm
hia nich dichtbie, un nemm dien Footich auf. De
Städ opp woone du steist es heiljet Launt."



12

"Ekj woa die no däm Kjennich schekjen toom
mien Volkj ut Ägipten brinjen," säd Gott.
Moses enjst sikj doafää.



13

Dan weess Gott Moses woo stoakj hee wia.
Hee muak Moses sien Stock to
eene Schlang.



14

Aus Moses de Schlang biem Zoagel opphoof,
wia daut wada sien Stock. Gott jeff uk
andre Tieekjens.




15

"Laj diene Haunt en dien Mauntel,"
sääd hee. Moses deed daut.




16

Siene Haunt wia witt met Lepra Krankheit.




17

Aus hee daut wada deed, wia siene Haunt jeheelt.



18

Moses wääd sikj un sääd, "Ekj kaun nich goot räden."
Gott wort kort met Moses un sääd, "Du woascht
Aaron dien Brooda jäwen waut hee sajen saul."



19

Moses jinkj trigj no Jitro, pakt
opp, un veleet no Ägipten.




20

Gott leid Moses sien Brooda Aaron no Moses enne Boaj. Moses säd Aaron Gott sienen Plon toom de Hebräa frie moaken von de Ägipta. See jinjen toop no de hebräische Leida un weesen an de Tieekjen dee Gott am jejäft haud. Dan wisten see Gott wudd an halpen. Aula toop kjneeden see em Jebäd.



21

Moses un Aaron jinjen brow nom Kjennich un säden, "Gott sajcht, 'Lot mien Volkj gonen.'"



22

"Ekj woa Israel nich gonen loten," säd de Kjennich. Hee horcht nich no Gott.



23

Gott wudd siene groote Krauft motten brucken toom dän Kjennich beräden.



24

De Prins woat een Hoad

Eene Jeschicht von en daut Wuat Gottes,
de Bibel

finjt eena en

2. Mose 2-5

"Wan dien Wuat openboat woat,
jeft daut Licht." Psalm 119:130

Gott weet daut wie schlaichtet jedonen haben, waut hee Sind nant. De Strof fa Sind es de Doot.

Gott es ons soo goot daut hee sien Sän Jesus schekjt, daut hee fa ons aum Kjriez storf un onse Schult betold. **Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.

Wan du von diene Sinden west wajchdreien, dan saj dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen.
Johanes 3:16

Lass de Bibel un räd jieda Dach met Gott!